

Treguesit demografikë


Tremujori II – 2022

Tiranë, më 11 gusht 2022: Numri i lindjeve për tremujorin e dytë 2022 është 5.384, duke shënuar një rënie me 14,8 %, krahasuar me tremujorin e dytë 2021.

Numri i vdekjeve për tremujorin e dytë 2022 është 4.916, duke shënuar një rënie prej 19,4 %, krahasuar me tremujorin e dytë 2021.

Shtesa natyrore e popullsisë pasqyron trend pozitiv në tremujorin e dytë 2022 me 468 lindje më shumë se sa vdekje.

Fig. 1: Shtesa natyrore e popullsisë



Burimi: Drejtoria e Përgjithshme e Gjendjes Civile dhe përlogaritje të INSTAT

** Të dhënat do të jenë objekt rishikimi në fund të vitit


Në tremujorin e dytë 2022, pesë qarqe të vendit kanë shënuar shtesë natyrore pozitive të popullsisë, ndërsa në shtatë qarqet e tjera, shtesa natyrore e popullsisë pasqyrohet negative.

Për publikim: më 11 gusht 2022

Vijon

Në tremujorin e dytë 2022, qarku me shtesën natyrore më të lartë është Tirana, me 821 lindje më shumë sesa vdekje, ndërsa qarku me shtesën natyrore më të ulët është Korça, me 193 vdekje më shumë se sa lindje.

Fig. 2: Lindjet, vdekjet dhe shtesa natyrore sipas qarqeve, T2 – 2022**



Burimi: Drejtoria e Përgjithshme e Gjendjes Civile dhe përlogaritje të INSTAT

** Të dhënat do të jenë objekt rishikimi në fund të vitit

Lindjet

Në tremujorin e dytë 2022, të gjitha qarqet e vendit shënuan ulje të numrit të lindjeve, në krahasim me tremujorin e dytë 2021.

Në tremujorin e dytë 2022, qarku me numrin më të lartë të lindjeve është Tirana me 1.940 lindje, ndërsa qarku me numrin më të ulët është Gjirokastra me 85 lindje.

Rënien më të vogël në përqindje të lindjeve gjatë tremujorit të dytë 2022 krahasuar me të njëjtën periudhë të vitit 2021 e zë qarku i Beratit me 9,0 %, ndërsa rënien më të madhe e ka qarku i Vlorës me 25,4 %.

Tab. 1: Lindjet sipas qarqeve

Nr.	Qarku	II - 21	III - 21	IV - 21	I - 22**	II - 22**
	Shqipëria	6.319	7.680	6.911	6.056	5.384
1	Berat	221	276	283	223	201
2	Dibër	380	402	328	280	292
3	Durrës	664	891	747	666	589
4	Elbasan	527	673	619	514	473
5	Fier	555	685	584	532	431
6	Gjirokastrë	96	123	113	106	85
7	Korçë	398	464	411	301	300
8	Kukës	211	280	225	187	190
9	Lezhë	302	370	328	309	255
10	Shkodër	492	503	462	403	369
11	Tiranë	2.141	2.652	2.499	2.194	1.940
12	Vlorë	307	348	285	314	229
	<i>*Të panjohur</i>	25	13	27	27	30

Burimi: Burimi: Drejtoria e Përgjithshme e Gjendjes Civile

* Kategoria "Të panjohur" nënkupton numrin e lindjeve të gjalla, për të cilat informacioni i qarkut ku është regjistruar lindja mungon¹

** Të dhënat do të jenë objekt rishikimi në fund të vitit

Vdekjet

Në tremujorin e dytë 2022, të gjitha qarqet e vendit shënojnë ulje të numrit të vdekjeve, në krahasim me tremujorin e dytë 2021.

Në tremujorin e dytë 2022, qarku me numrin më të ulët të vdekjeve është Kukësi me 97 vdekje, ndërsa qarku me numrin më të lartë është Tirana me 1.119 vdekje.

Uljen më të madhe në përqindje të vdekjeve gjatë tremujorit të dytë 2022, krahasuar me të njëjtën periudhë të vitit 2021, e zë qarku i Kukësit me rënie prej 30,2 %.

¹ Shiko metodologjinë në linkun në vijim: <http://www.instat.gov.al/al/temat/treguesit-demografik%C3%AB-dhe-social%C3%AB/lindjet-vdekjet-dhe-martesat/#tab4>

Tab. 2: Vdekjet sipas qarqeve

Nr.	Qarku	II - 21	III - 21	IV - 21	I - 22**	II - 22**
	Shqipëria	6.101	6.395	7.809	7.938	4.916
1	Berat	342	333	453	418	279
2	Dibër	220	214	263	292	217
3	Durrës	530	592	696	762	467
4	Elbasan	596	559	743	806	506
5	Fier	705	746	902	909	583
6	Gjirokastrë	233	218	279	267	169
7	Korçë	605	595	760	680	493
8	Kukës	139	123	165	146	97
9	Lezhë	243	337	319	388	219
10	Shkodër	539	651	608	660	412
11	Tiranë	1.455	1.499	2.039	1.991	1.119
12	Vlorë	485	517	573	614	344
	<i>*Të panjohur</i>	9	11	9	5	11

Burimi: Drejtoria e Përgjithshme e Gjendjes Civile

* Kategoria "Të panjohur" nënkupton numrin e vdekjeve, për të cilat informacioni i qarkut ku është regjistruar vdekja mungon.

** Të dhënat do të jenë objekt rishikimi në fund të vitit

Metodologjia

Të dhënat tremujore për lindjet dhe vdekjet, në nivel kombëtar dhe qarku përbëjnë një hallkë të rëndësishme të demografisë së vendit. Ato paraqesin të dhëna mbi ndryshimet në popullsi, të cilat kanë impakt në jetën ekonomike dhe sociale të vendit. Këto të dhëna publikohen mbështetur në Programin e Statistikave Zyrtare 2022-2026.

Lindjet

Të dhënat e lindjeve:

Të dhënat e lindjeve sipas karakteristikave bazë demografike sigurohen nga Drejtoria e Përgjithshme e Gjendjes Civile, e cila dërgon në INSTAT vetëm numrin e lindjeve të banuesve në Shqipëri. Konsiderohen të gjitha lindjet e banuesve në Shqipëri gjatë periudhës referencë, duke mos marrë parasysh lindjet e banuesve jashtë Shqipërisë (emigrantëve), edhe pse mund të regjistrohen në zyrat e gjendjes civile, pranë ish-vendbanimeve të tyre.

Regjistrimet e vona të lindjeve

Kryhet një rregullim i vogël i numrit të lindjeve që regjistrohen vonë për vitin aktual, në mënyrë që të përfshijmë të gjitha lindjet e ndodhura në periudhën referencë.

Numri i lindjeve të regjistruara vonë nga viti i mëparshëm janë konsideruar si një proxy për regjistrimet e vona të vitit aktual, duke konsideruar supozimin (si rezultat edhe i analizave tona të vazhdueshme) që numri i regjistrimeve të vona të lindjeve nuk ndryshon shumë nga viti në vit.

Vdekjet

Të dhënat e vdekjeve

Të dhënat e vdekjeve, sipas karakteristikave bazë demografike sigurohen nga Drejtoria e Përgjithshme e Gjendjes Civile, e cila dërgon në INSTAT vetëm numrin e vdekjeve të banuesve në Shqipëri. Konsiderohen të gjitha vdekjet e banuesve në Shqipëri gjatë periudhës referencë, duke mos marrë parasysh vdekjet e banuesve jashtë Shqipërisë (emigrantëve), edhe pse mund të regjistrohen në zyrat e gjendjes civile pranë ish-vendbanimeve të tyre.

Regjistrimet e vona të vdekjeve

Kryhet një rregullim i vogël i numrit të vdekjeve që regjistrohen vonë për vitin aktual, në mënyrë që të përfshijmë të gjitha vdekjet e ndodhura në periudhën referencë.

Numri i vdekjeve të regjistruara vonë nga viti i mëparshëm janë konsideruar si një proxy për regjistrimet e vona të vitit aktual, duke konsideruar supozimin (si rezultat edhe i analizave tona të vazhdueshme) që numri i regjistrimeve të vona të vdekjeve nuk ndryshon shumë nga viti në vit.

Përkufizime:

Shtesa natyrore e popullsisë: Shpreh rritjen/rënien e popullsisë, si rezultat i proceseve biologjike (lindjeve dhe vdekjeve) të saj, gjatë një periudhe kohe. Ky tregues shprehet si diferencë ndërmjet lindjeve dhe vdekjeve.

Lindje e gjallë: Lindja e fëmijëve që shfaqin ndonjë shenjë jete.

Vdekje: Nënkupton zhdukjen e përhershme të të gjitha shenjave të jetës, në çdo kohë pasi ka ndodhur një lindje e gjallë (ndërprerjen e funksioneve vitale, pa aftësinë e ringjalljes).